

Powšitkowne WOZJEWJENJA

njedźelu, 17. nowembra 2019

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje štwórtk, 5. decembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do štwórtka, 28. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóż chce wotewzaty być, njech to prošu zdžěli.

Hłowna zhromadźizna Bratrowstwa

Kulowske towarstwo Bratrowstwo změje swoju hłownu zhromadźiznu, wutoru, 19. nowembra, w 19.30 hodź. na Bosćanowej žurli w Kulowje. Mjez druhim přednošuje farar Gabriš Nawka wo swojim sabbaticumje. Wšitcy člonojo kaž tež zajimcy su wutrobje witani.

Předsydstwo Bratrowstwa

Přednošk wo fararju Imišu

Składnostnje 200. narodnin Jaroměra Hendricha Imiša budže serbski superintendent Jan Malink štwórtk, 21. nowembra, w 19.30 hodź. w Budyskim hosćencu „Wjelbik“, Žitna 7, na temu „Ta razna postawa mi nochce z hlowy.“ Imišowe skutkowanje za Serbstwo a cyrkej“ přednošować. Stawizniska sekcija Maćicy Serbskeje wšitkich zajimcow wutrobnje přeprošuje.

Młodostni na Chrysta Krala do Chrósćic!

Nyšpor wosebje za wšitkich młodostnych budže na swjedženju Chrysta Krala, njedźelu, 24. nowembra, w 14.00 hodź., w Chrósćanskej cyrkwi a ma hesło „njewěsty?“. Po nim su młodostni na faru k zhromadnej swačinje a na fotowe impresije pod temu „Commissioned Israel“ přeprošeni.

Hromadza hodowne pakćiki džěcom a swójbam w Českej a Botharskej

Towarstwo swjateje Filomeny z.t. chce tež lětsa džěci a swójby w českim Dolním Podluží, Jiřetínje kaž tež w botharskim Razgradze a wokolnych wsach z hodownymi pakćikami zwjeselić. Jich wobsah njeje předpisany, móžne pak su hrajki, pisanske materialije, slódkosće abo kakaw. Za spomóžne ma wone, jeli bychu pakćiki nalěpk měli, za koho je mysleny, na přikład „swójba“, „holca 14–16 lět“ abo „hólc 0–4 lět“. Wotedač móža so pakćiki wot pónđzele do štwórtka, 25. do 28. nowembra, stajnje wot 17 do 18 hodź. w Smjerdžečanskim kulturnym domje. W tym času přijimuju tohorunja počehnjenja abo hygieniske twory. Trjebanu drastu abo črije pak lětsa njehromadza. Dalša móžnosć podpěranja su pjenježne dary, z kotrychž matej so transportaj financować kaž tež wšelake socialne zarjadnišća podpěrać. Přepokazač móža so na konto St.-Filomena-Verein e.V., IBAN: DE55 8509 0000 6036 0810 05 pola Ludoweje banki Drježdžany-Budyšin e.G. pod hesłom „Hilfsaktion 2019“.